

معلومة تاريخية

والتر إوينج كرام

✍️ خدام مدرسة مار إفرام السرياني | ⌚ 5 دقيقة قراءة

مقال عن والتر إوينج كرام الباحث البريطاني بعلم القبطيات و صاحب أول قاموس إنجليزي قبطي



Walter Ewing Crum (1865-1944)

☰ والتر إوينج كرام

🔑 كثير للأسف "بيقاوح" في الصلاة باللغة القبطية ... ناس تقول: أنا ليه أصلي بلغة أنا مش فاهمها؟ و الحل بالنسبة لهم بدل ما يتعلّموا حتى الحاجات البسيطة بالقبطي عشان يستمتعوا بتراث الكنيسة و ألقانها و صلواتها إنهم يلغوا القبطي خالص من الصلاة على الناحية الثانية بنلاقي في أوروبا ناس مهتمة جداً بالقبطي لما يمثلّه من تراث عظيم .. من ضمنهم العالم والتر إوينج كرام

• كرام اتولد سنة 1865 في اسكتلندا

- كان أديب و عالم في الدراسات القبطية **Coptology** و ال Coptology علم فُعترف بيه و مهم في الغرب، مش بس عشان التراث الكنسي ... بل التراث المصري كله قبل دخول العرب
- بعد ما اتخرّج من جامعة أوكسفورد، اهتم بدراسة المصريات **Egyptology** لدرجة إنه سافر باريس و برلين عشان يبحث في دراسته أكثر
- أفنى معظم حياته في **دراسة اللغة القبطية**
- سنة 1939م عمل مرجع عظيم جداً ... قاموس قبطي إنجليزي اسمه **A Coptic Dictionary** القاموس ده نتاج أكثر من 30 سنة شغل و بحث مع مجموعة من الباحثين
- القاموس ده بقى **المرجع الرسمي للغة القبطية في أوروبا** لأنه كان غني جداً بالمعلومات الدقيقة و التفاصيل اللي مبنية على دراسة
- كمان **ترجم كتب كثير** منها كتب للبابا أثناسيوس الرسولي
- مات سنة 1944
- كان مقتنع جداً إن اللغة القبطية هي لغة الكنيسة المصرية و تراثها، و إنها ماينفesch تتساب و تندثر ... و أفنى حياته عشان يبحث فيها
- و ده الصح ... اللغة القبطية أهميتها اللي عرفها حتى الغرب إنها تحمل تراث تاريخي و لاهوتي لكنيسة الإسكندرية القديمة



المراجع

Wikipedia •